

Med Jesus vil eg fara på livsens ferd i lag.
Gud, lat den samferd vara alt til min døyand dag!
Det er mi høgste æra, det er mi største ros,
hans fylgjesvein å vera og vandra i hans ljøs.

Min Jesus, sannings stjerna, lys opp min mørke veg!
Mitt hjarta vil så gjerna få fylgja etter deg.
Du lyser enn i verdi som før frå Betlehem.
Ver du mitt ljøs på ferdi, til heim med deg eg kjem!

Min Jesus, Sarons lilja, bløm fagert opp i meg!
Lat ingen ting meg skilja og riva bort frå deg!
Du vintre i Guds hage, min kjære Herre Krist,
unn også meg den lage å veksa som din kvist!

Du til di grein meg sette alt i min fyrste vår,
med livsens dogg meg vætte, gav sol og signa år.
Du vil og vokster gjeva alt til min siste slutt:
lat meg i deg få leva, i deg få anda ut!

Elias Blix, 1875